

JU ZAVOD ZA MEDICINU RADA KANTONA SARAJEVO, Bulevar Meše Selimovića 2. Sarajevo, koga zastupa direktor Prim.dr Samir Čovrk, spec.inter.med. (u daljem tekstu: davalac usluga)

i

GIMNAZIJA DOBRINJA, ul. Senada Poturka Senčija bb, Sarajevo, koju zastupa direktor Enver Ahmetspahić, profesor (u daljem tekstu: korisnik usluga),

zaključili su dana 31.05.2019.godine

U G O V O R o obavljanju sistematskih ljekarskih pregleda

PREDMET UGOVORA

Član 1.

Ovim Ugovorom, regulišu se međusobni odnosi ugovornih strana, u vezi usluga obavljanja sistematskih ljekarskih pregleda zaposlenika korisnika usluga, u pogledu sadržaja pregleda, cijene i uslova plaćanja, organizacije samih pregleda, roka izvršenja i drugo.

SADRŽAJ PREGLEDA

Član 2.

Ugovorne strane su saglasne da okvirni sadržaj pregleda obuhvati:

1.0. Sadržaj pregleda

- laboratorijske pretrage (SE, KKS, ŠUK, urin),
- EKG sa očitanjem
- RTG pluća sa očitanjem (prema indikaciji)
- Pregled oftalmologa
- Pregled neurosijahijatra
- Obrada psihologa
- Pregled specijaliste medicine rada (opći pregled).

CIJENA I USLOVI PLAĆANJA

Član 3.

Cijena pojedinačnog pregleda sa sadržajem pod 1.0. iznosi **50,00 (pedeset) KM**.

Ukupna cijena pregleda, sa naznačenim sadržajem pod 1.0. i brojem radnika (41) iznosi **2.050,00 (dvijehiljadepedeset) KM**.

Ukoliko bude potrebe za izdavanjem nove sanitarne knjižice uposlenika na dan obavljanja pregleda, cijena iste iznosi 5,00 (pet) KM.

U cijenu pregleda uključena je i izrada završnog Izvještaja o obavljenim pregledima, sa ocjenom radne sposobnosti i statističkom analizom obavljenih pregleda po dijagnozama.

Član 4.

Plaćanje će se izvršiti po obavljenim pregledima, i po ispostavljenoj fakturi, u zakonskom roku. Zdravstvene usluge, koje su predmet ovog Ugovora oslobođene su plaćanja PDV-a, na osnovu člana 24. stav 1. tačka 2. Zakona o porezu na dodatu vrijednost, te člana 25. stav 1. tačka 1. Pravilnika o primjeni Zakona o porezu na dodatu vrijednost

ORGANIZACIJA PREGLEDA

Član 5.

Pregledi će se obaviti u dogovorenom terminu, između ugovornih strana.

Član 6.

Korisnik usluga će svoje zaposlenike uputiti na pregled dana 30.08.2019.godine, samo ukoliko je najmanje jedan dan ranije, dostavio njihova imena na faks: 720-186 ili na e-mail: zzmrsks@bih.net.ba.

OSTALE ODREDBE

Član 7.

Davalac usluga se obavezuje, da će ugovorene preglede obaviti profesionalno / na najkvalitetniji način i u skladu sa medicinskom etikom.

Član 8.

Pitanja koja nisu regulisana ovim Ugovorom, ugovorne strane će rješavati sporazumno.

Član 9.

Ugovor stupa na snagu danom potpisivanja.

Član 10.

Ovaj Ugovor je sačinjen u četiri (4) istovjetna primjerka, od kojih svaka ugovorna strana, zadržava po dva (2) primjerka za svoje potrebe.

ZA KORISNIKA USLUGA

Direktor

Enver Alimčević, prof.

Broj: 04-12019-9.1
Sarajevo, 3.5.2019.



ZA DAVAOCA USLUGA

Direktor

Prim.dr Samir Čovrk
spec.inter.med.

Broj: 01-10-273-2/19
Sarajevo, 30.05.2019.godine